

Unnere Fahrt nooch Halle

Ablauf:

- 06.35 Uhr Abfahrt Autohaus Ehrler
- 06.40 Uhr Abfahrt Postplatz
- 06.45 Uhr Abfahrt Platz des Friedens
- 06.50 Uhr Abfahrt Café Schumann (Talsperrenweg)
- 09.30 Uhr Stadtfahrt durch Halle
anschl. Rundgang (Dauer ca. 90 Minuten)
- 11.00 Uhr Mittagessen im Restaurant Wildschütz
(4 Gerichte zur Auswahl)
- 12.30 Uhr Fahrt zum Schiffsanleger
- 13.00 Uhr 1-stündige Schifffahrt auf der Saale
- 14.15 Uhr Weiterfahrt an den Markleeberger See
- 15.00 Uhr Kaffeegedeck (1 Stück Kuchen / 2 Tassen Kaffee)
- 16.30 Uhr Rückfahrt
- ca. 19.00 Uhr Ankunft in Eibenstock



Die Fahrt kostet für Mitglieder 56,00 €
und für mitfahrende Gäste 59,00 €
Wir bitten um Überweisung auf unser Konto
oder in bar beim Kassenwart G. Schmidt

Glückauf! Dor Vorstand

FAHRDIENST

...werd diesmol net gebraucht...



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
199

Mitteilungsblatt des
Erzgebirgischen Heimatvereines
Eibenstock e.V.

Oktober
2021



*Su ne Fahrt nooch untn kennt schie lang gieh,
bei dare gutn Aussicht auf unner Eimstock!*

Mir sei Weltkulturerbe wurn!


Des is e neies Lied ausn Arzgebirg
vun H.Zorn, J. Zobel, U. Schreier
Blus wu die dorham sei, wass iech fei net!

Refrain:

Mir sei Welterbe wurn,
itze ham mirs geschafft.
Mir sei Welterbe wurn,
endlich ham ses gerafft.
Mir sei Welterbe wurn,
is Arzgebirg is dorbei.
Iech kaa gar net sogn
wie sehr iech mich frei!

1. Vers

Vom Bergbau do kimmt
allis när har.
De Arbit im Schacht,
gut bezohlt , aber schwar.
Se ham Silber geschürft,
viel Erze dorzu,
Of emol wars alle
mitn Bargbau war Ruh.



2. Vers

De Armut zoog ei
in jeds Haus.
Is Schnitzn un Klöppln
hult se do wieder raus.
Raachermaa un dor
Schwibbugn
zogn naus in de Walt
un heizetog
mor vun Weihnachtsland
dorzält.

3. Vers

Heit seis de Gäst,
dies Gald wieder bringe
un nu des Lied
vom Schiefahrn singe.
Bis ins Böhmisches nei
do sei mir dorbei,
weil mor ja alle
Arzgebirger sei.

Wir gratulieren unseren Heimatfreunden

Rainer Tittel	am 02.10.	zum 73. Geburtstag
Antina Richter	am 10.10.	zum 58. Geburtstag
Horst Diersch	am 15.10.	zum 92. Geburtstag
Liane Georgi	am 16.10.	zum 92. Geburtstag
Adelheid Müller	am 29.10.	zum 77. Geburtstag
Hubert Brückner	am 31.10.	zum 56. Geburtstag



*Willst du glücklich sein im Leben,
trage bei zu anderer Glück;
denn die Freude, die wir geben,
kehrt ins eigne Herz zurück*
- Unbekannt -

Glückauf ihr Leit -is geht schu wieder wetter :

Achtung, Achtung! Wichtig!

Wichtig wegen der Pandemiebestimmungen:
Der **Impfnachweis**
bzw. ein **gültiger Schnelltest** ist mitzubringen!
Dieser darf nicht älter als 24 Std. sein,
das heißt, der Test muss am
Freitagnachmittag durchgeführt werden
oder man hat einen **gültigen PCR-Test!**



Vorankündigung:

Im November gibt's wieder unnern beliebten
Bastlobnd,
un zwar
am Donnerstich, ne 4. 11.21, 18.00 Uhr
im Vereinshaus



Dor Äpplkuchntraam

Is duft ausn Ufn, is zischt un is knackt.
 War hat dä su enn Schatz hier neigepackt?
 E Hauch sießer Düft, su locknd un fei,
 zieht heit durch de Wugning – hmm!
 Vos meechn des wuhl sei?

Mir knurrt laut dor Mogn, iech eil glei herbei,
 will neigierich freegn, vos des nu wuhl sei?
 Vos duft do in Ufn? Vos duft dä su sieß?
 Nu e Kuchn mit Äppln – hmm! E Paradies!


Iech schloch schnell de Sahne, dann deck iech ne Tisch
 un wart vuller Fraad när noch of diech!
 Die Duft in Ufn, su leckor un fei.
 Du Äpplkuchn! Hmm! Glei biste mei!

Un itze stiste vor mir, lachst miech sua a,
 iech glaab, du waßt, des iech nimmer wartn ka!
 Schu left mir is Wasser in Mund glei zesamm!
 Dann ass iech un ass iech, less iebrich ka Gramm.

Do her iechs lachn un iech wach auf:
 Ach bi iech hungrich! Hert des nie auf?
 Iech glaab, iech traamt när vu dir, sieße Freid!
 Mei Äpplkuchn, iech wünsch mir diech heit!

Is duft ausn Ufn, is zischt un is knackt.
 War hat dä den Kuchn hier neigepackt?
 E Hauch sießer Düft, nooch Äppln su fei,
 zieht grad durch de Wuhning,
 lädt zen Naschn miech ei!

Huchdeitsch von Elke Bräunling,
 aus ihrn Kinnergeschichtnbuch -
 ins gebirgische neigemaart
 vun Schmidti



Unnere arzgebirgsche Sproch

In der „Freien Presse“, also in dor Ausgob vun Dienstich, ne 21.9.21, war wieder emol e Aufruf, siech an dor Auswahl vun „Mundartwort des Jahres“ zen Thema „Reisen“ ze beteilign. Nu is des su ne Sach: Mir wissen ja, des ringsrim im Gebirg mannliche Wörtle eweng annersch geschriebn un ausgesprochn wern. Un esu is des aa mit e paarle vu den vürgeschlogne Begriffe, die do bis itze in Vordorgrund stenne, also am meestn schu gewählt wurn sei. Iech schreib se itze dohiertn mol har un gelei dorrhinner, wie iech se schreiben tät. Vielleicht kennt ihr mir des mol mitteiln, vos for eich dor Favorit in dare List is, oder ihr soocht mirs bei unnerer Ausfahrt nooch Halle, dann tät iech emol im Name vu unnern Vorein do unner Dorgabnis an de „FP“ maldn, dodormit die aa mol wissen, des is unnnern Vorein ieberhaupt gibt un wie mir des sogn un schreiben tätn.

su stiechts in dor "FP"		... un des wär meine Schreibweis
Asichtskartl	Ansichtskarte	Asichtskartl
Aziehzeich	Kleidung	Aziehzeich
ausbuzeln	lange schlafen im Urlaub	ausbuzln oder lang imhartraame
flanschern	mit Wasser matschen	planschn
gaahling	schnell oder plötzlich	gahling
Hamweh	Heimweh	Hamweh
Labn schie machen	sich etwas gönnen oder genießen	Labn schie machn
rümdrooschen	vor der Reise aufgereggt sein	rimdroschn oder in Droosch ham
Uhiesicher	nicht von diesem Ort (Fremder)	Uhiesicher
Ziehbasen	ständig auf Achse sein	Ziehbasn

Su, nu ieberleechts eich e bissl un dann wern mir sah, vosodorbei rauskimmt un öb mir alle die Ausdrick su denkn, sogn un schreiben tätn. Iech bi schu gespannt, vos ihr dodorzu for e Mahning habt od öb des gar när for eich e bleeds Gemaahr is. Die Dame, die des schu e paar Gahr immer wieder aaschiebt, de Franziska Böhm aus Bratnbrunn tät an libstn Ihre Ausdrucksweis allaa als de Gültische festlegn, aber des gieht nu mol net, jede Gegnd redt halt annersch!
 Eier Schmidti

Kaa Angst beim Eisteign – die kaltn schu aa!

Naa, Angst hat nu Kaaner meh gehatt beim Eisteign. Des ham mir ja in de letztn Gahrn schu zwee mol mit Bravur probiert. Ach su, wu mir eigestiegn sei? Nu beim Wurzlrudi sein Lift natierlich!

Am Donnerstich, ne neintn September im halb fünfe hattn mir de Sonn mit samt ner gutn Temperatur organsiert un uns gelei beim Lift mit unnern Vereinsmitgliedern getroffen.

Iech saat noch ze meiner Fraa, mir mechn su kurz vor viere dortn sei, dodomit mir allis im leberblick ham un alle gut nauf de Wurzlrudi-Alm naufbrenge. Aber mir warn net de erschtn, do sei schu e paarle vu uns de steile Hangstroß naufgestiermt.



Mit ne Liftmaaster ham mir allis beredt un su kunntn de erschtn aa schu Platz namme in de Gondln un nauf zer schennsten Aus-un Aasicht vu Eimstock fahrn. Su wie unnera Leit aakaame, sei se nooch un

nooch huch gefahrn wurm un kunntn do ubn schu mol in Platz sichern un siech beim gutn Bargimbiss Kaffee, Bier oder aane vu danne ihrn Spezialität eweng vor-naschn. Aber is wichtichste war ja: die schiene Aussicht su richtich bei den Sonne-



-schei genießn! Esu war de Freid un gute Laune vu ganz allaane do, ohne des mor noch e besonnersch Programm braucht. Ab viertl-sechse sei mir wieder schie noochenanner nunner gefarn, schie langsam vorstieht siech, aa emol mit Aahaltn,

wenn welche untn ausgestiegn sei. Des hat natierlich die Abfahrt un de Aussicht noch emol eweng zu unnern Vorgniegn vorlängert! Iech kaa ieberhaupt net vorstiech, des ne ganze Hatz vu Eimstöcker – do kenn iech einiche - noch nie mit ne Lift do ubn war! Esu wos schiens ka mor siech doch net entgieh lessn! Alle Achtung for de Uhlmann un ihrn stets fleißign, hilfsbereitn un freindlichn Gehilfn! Wos die in all den Gahrn do of de Baa gebracht ham, kaa mor gar net genuch lobn. Su, des musst aa emol gesaat warn!

Noochdam alle wieder untn warn, stand dortn is Wohnmobil vo unnern Wildntholer un do gabs noch in Bacher Sekt vu unnern August-Geburts-togsleitn. Vor uns war dar Obnd aber noch lang net ze End – mir sei im Aaschluss gelei nei un-



ner Voreinshaus gange zen schmackhaftn Gewiechtskießlassn, wie immer gut vür-bereit un dargbutn vun Lorenz-Tiem.

Mir ham noch e paar Sachn beredt un dann hab iech noch alln unnera Vereinsseit im Innet (www.heimatverein-eibenstock.de) vürgestellt un den schenn klenn Film vu dor

Eiweihingsfeier for unnern Bargbau-lehrpfad per Biemer an dor Wand gezeicht.

Wie immer gobs noch allerhand an jedn Tisch ze dor-zähl un ze lachn,

su des dar Vereinsobnd bestimmt in guter Dorinnering bleibn werd!

Bis zen nächstn Treff, --- Glückauf

--- eier Schmidt!

